



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

Parisiis, 1644

XVII. Eivsdem Epistola Ad Maximvm Antiochenvm Episcopvm. Leo
catholicæ ecclesiæ episcopus, Maximo carissimo fratri, episcopo
Antiocheno.

urn:nbn:de:hbz:466:1-14887

Synodo Nicena in uiolabilibus sunt fixa decretis, obseruantiam vestram sanctitatis admoneo, ut iura ecclesiarum, sicut ab illis trecentis decem & octo patribus diuinitus inspiratis sunt ordinata, permaneant. Nihil alienum improbus ambitus concupiscat, nec per alterius imminutio-
nem suum aliquis querat augmentum. Quantumlibet enim extortis assentationibus fese instruat vanitatis elatio, & appetitus suos Conciliorum aestimet nomine roborandos, infirmum atque irritum erit, quidquid a praedictorum patrum Canonibus disreparit. Quorum regulis apostolica sedes quam reuerenter vtratur, scriptorum meorum, quibus Constantinopolitani antistitis conatus repuli, poterit sanctitas vestra lectione cognoscere, & me, auxiliante Domino nostro, & catholicæ fidei, & paternarum traditionum esse custodem. Data duodecimo Kalendas Aprilis, Opilio viroclarissimo consule.

XVII.

EIVSDEM EPISTOLA AD MAXIMVM
ANTIOCHENVM EPISCOPVM.

*Leo catholicæ ecclesiæ episcopus, Maximo carissimo fratri,
episcopo Antiocheno.*

QVANTVM dilectioni tuae placeat communis fidei fraterrissima unitas, & pacis ecclesiasticae tranquilla concordia, literarum tuarum textus ostendit, quas ad nos filii nostri Marinianus presbyter, & Olympius diaconus detulere, eo nobis gratiores, quod per ipsas alloquia alterna miscemus, & magis magisq; innotescit gratia Dei, qua fit, ut per totum mundum de manifesto catholicæ veritatis lumine gaudeatur. Quamuis (quod multum dolemus) quidam adhuc, sicut sermo indicat nuntiorum, tenebras suas diligent, & cum ubiq; diei splendor exortus sit, etiam nunc cætitatis suæ delecentur obscuro: & perdita fide, solo & vacuo remanserint nomine Christiani, non habentes intelligentiam, qua errorem ab errore discernant, & blasphemiam Nestorii ab Eutychis impiate distinguant. Nec enim ideo excusabilis videri aliqua eorum falsitas potest, quia ipsi sunt in sua peruersitate contrarii. Nam cum Nestorium Eutychetis discipuli detestentur, & Eutychem anathematizent Nestorii sectatores; catholicorum iudicio

iudicio pars vtraque damnatur, & ambæ simul hæreses a corpore ecclesiæ resescantur, quia neutra falsitas nobiscum potest habere concordiam. Nec interest, quo sacrilegio ab incarnationis dominicæ veritate discordent, dum id quod prauissime sentiunt, nec auctoritas euangelii, nec ratio recipiat sacramenti. Et ideo, frater carissime, oportet dilectionem tuam toto corde perspicere, cuius ecclesiæ gubernaculis te Dominus voluerit praesidere, & eius meminisse doctrinæ, quam præcipiuus apostolorum omnium beatissimus Petrus per totum mundum quidem vñiformi prædicatione, sed speciali magisterio in Antiochena & Romana vrbe fundauit: vt illum in suæ glorificationis domicilio præminentem ea intelligas reposcere instituta quæ tradidit, sicut ab ipsa quam confessus est, veritate suscepit. Neque vlo modo finas in orientalibus ecclesiis, maximeque in his quas Antiochenæ sedi sacratissimorum patrum Nicæni Canones deputauere, ab improbis hæreticis euangelio insultari, & vel Nestorii vel Eutychetis a quoquam dogma defendi. Quoniam, sicut dixi, catholicæ fidei petra, cuius cognomen beatus apostolus Petrus sumpsit a Domino, nullum recipit ab vtraque impietate vestigium, sed euidenter atque perspicue & Nestorium anathematizat, qui Verbi carnifice natu ram in beata virginis coniunctione seiungens, vnumque Christum in duos diuidens, aliam deitatis, & aliam humanitatis voluit esse personam, cum omnino unus idemque sit, qui & secundum sempiternam deitatem de Patre est natus sine tempore, & de matre natus in tempore: & Eutychem similiter execratur, qui in Domino Iesu Christo veritatem humanæ carnis euacuans, ipsum Verbum in carnem asserit transformatum, vt nasci, nutriti, proficeret, pati, mori, atque sepeliri, & die tertio suscitari, filius fuerit deitatis, quæ seruili formæ non veritatem suscepit, sed figuram. Summa itaque vigilantia cautum te esse conuenit, ne quid sibi hæretica prauitas audeat vindicare, cum te deceat his sacerdotali auctoritate resistere, nosque saepius de profectu ecclesiarum tuis relationibus, quid agatur, instruere. Dignum est enim, te apostolicæ sedis in hac solitudine confortem, & ad augendam fiduciam priuilegia tertiae sedis agnoscere, vt in nullo cuius-

Concil. Tom. 9.

Kk

quam ambitione minuantur: quia tanta apud me est Ni-
cænorum Canonum reuerentia, vt ea quæ sunt a sanctis
patribus constituta nec permiserim, nec patiar aliqua
nouitate violari. Etsi enim diuersa nonnunquam sunt me-
rita præsulum, tamen iura permanent sedium: quibus et-
si possunt æmuli perturbationem aliquam fortassis infer-
re, non tamen possunt minuere dignitatem. Vnde cum
aliquid pro Antiochenæ ecclesiæ priuilegiis dilectio tua
agendum esse crediderit, propriis literis studeat expli-
care, vt & nos consultationi tuæ absolute & congrue re-
spondere possimus. Nunc autem ad omnia generaliter
pronuntiare sufficiat, quod si quid a quoquam contra Ni-
cænorum Canonum statuta in quacumque Synodo vel
tentatum est, vel ad tempus videtur extortum, nihil præ-
judicii potest inuiolabilibus inferre decretis. Et facilius
erit quarumlibet consensionum pactum dissolu , quam
prædictorum Canonum regulas ex villa parte corrumpi.
Subrependi enim occasiones non prætermittit ambitio:
& quoties ob intercurrentes causas generalis congrega-
tio facta fuerit sacerdotum, difficile est vt cupiditas im-
proborum non aliquid supra mensuram suam moliatur
appetere. Sicut etiam in Ephesina Synodo, quæ impium
Nestorium cum dogmate suo perculit, Iuuenalis episco-
pus ad obtinendum Palæstinæ prouinciac principatum,
credidit se posse sufficere, & insolentes ausus per commen-
titia scripta firmare. Quod sanctæ memoriae Cyrillus A-
lexandrinus episcopus merito perhorrescens, scriptis suis
mihi, quid prædicta cupiditas ausa sit, indicauit, & sollicita
prece multum poposcit, vt nulla illicitis conatibus præ-
beretur assensio. Nam cuius epistolæ ad nos exemplaria
direxisti sanctæ memoriae Cyrilli, eam in nostro scrinio
requisitam, nos authēticam noueris reperiisse. Hoc ta-
men proprium definitionis meæ est, vt quantumlibet nu-
merus sacerdotum amplior aliquid per quorumdam
subreptionem decernat, quod illis trecentorum decem
& octo patrum constitutionibus inueniatur aduersum, id
iustitia consideratione cassetur: quoniam vniuersæ pacis
tranquillitas non aliter poterit custodiri, nisi sua Cano-
nibus reuerentia intemerata seruetur. Si quid fane ab his
fratribus, quos ad sanctam Synodum vice mea misi, præter

LEO CALCHEDONENSE. VALENTIN. MARCIANVS IMP. 259

ANNO CHRISTI 431. id quod ad causam fidei pertinebat, gestum esse perhibetur, nullius erit penitus firmitatis: quia ad hoc tantum ab apostolica sede sunt directi, ut excusis hæresibus, catholice essent fidei defensores. Quidquid enim præter speciales causas synodalium Conciliorum ad examen episcopale defertur, potest aliquam diiudicandi habere rationem, si nihil de eo est a sanctis patribus apud Nicæam definitum. Nam quod ab illorum regulis constitutioneque discordat, apostolicæ sedis nunquam obtinebit consensum. Quanta vero hoc diligentia custodiatur a nobis, exemplaribus eius epistolæ, quam ad Constantinopolitanum episcopum, refrenantes ipsius cupiditatem, direximus, instrueris: quam in omnium fratrum & sacerdotum nostrorum facias notitiam peruenire, ut nouerint pacem ecclesiasticam per concordiam Deo placitam debere seruari. Illud quoque dilectionem tuam conuenit præcauere, vt præter eos qui sunt Domini sacerdotes, nullus sibi ius dœendi & prædicandi audeat vindicare, siue sit ille monachus, siue sit laicus, qui alicuius scientiæ nomine glorieatur. Quia etsi optandum est, vt omnes ecclesiæ filii quæ recta & sana sunt sapiant; non tamen permittendum est, vt quisquam extra sacerdotalem ordinem constitutus, gradum sibi prædictoris assumat, cum in ecclesia Dei omnia ordinata esse conueniat, vt in vno Christi corpore & excellentiora membra suum officium impleant, & inferiora superioribus non resultent. Data III. Idus Iunii, Opilione viro clarissimo consule.

XVIII.

EIVSDEM LEONIS PAPÆ EPISTOLA AD MARCIANVM AVGUSTVM.

Leo episcopus, Mariano Augusto.

Q VOD sèpissime multa iam experimenta docuerunt, sanctum pietatis vestræ studium circa religionem Christianam gloriose perseuerat & crescit augmentis: & hæc fides vestræ clementiæ non solum me, sed & omnes Domini sacerdotes consolatur & roborat, dum in Christianissimo principe sacerdotalem experimur affectionem. Quem si orientalium partium sacerdotes studeant imitari, nihil scandalorum neque pax, neque

Concil. Tom. 9.

Kk ij